



**RAPORT  
MONITORIMI I SEKTORIT TË  
MJEDISIT NË KOMUNËN E  
RAHOVECIT**

**2024**

**MAJ, 2025**



# **RAPORT MONITORIMI I SEKTORIT TË MJEDISIT NË KOMUNËN E RAHOVECIT – 2024**

Autor dhe botues: EC Ma Ndryshe

Rr. Fehmi Lladrovci Nr.67, Prizren,  
Rr. Xhemajl Mustafa 9/1 LL-4 Nr.7

[www.ecmandryshe.org](http://www.ecmandryshe.org)  
[info@ecmandryshe.org](mailto:info@ecmandryshe.org)

029 222 771

Maj, 2025

# PËRMBAJTJA :

## HYRJE

## GJETJET E RAPORTIT

- 1** Skema institucionale për planifikimin dhe menaxhimin mjedisor  
Statistikat Kryesore - 2024:
- 2** Korniza ligjore
- 3** Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit
- 4** Mbikëqyrja inspektive dhe raportimi mjedisor  
Raportet mjedisore në nivelin lokal
- 5** Krijimi, grumbullimi, menaxhimi i të dhënave dhe sistemi të menaxhimit të dhënave
- 6** Bashkëpunimi, koordinimi dhe pjesëmarrja publike
- 7** Licencimi dhe lejet mjedisore
- 8** PËRFUNDIME
- 9** REKOMANDIMET

# HYRJE

Ky raport është një përpjekje e re e strukturuar e shoqërisë civile për të adresuar e trajtuar përgjegjësitë e organeve kompetente të Qeverisë Lokale, përkatësisht përgjegjësitë e Komunave karshi 7 aspekteve mjedisore që rregullohen me kornizën ligjore të vendit.

Organet përgjegjëse për mbrojtjen e mjedisit janë të rregulluara në forma të ndryshme në Komunitatet e Kosovës. Disa nga komunitetet kanë drejtori të dedikuara për mbrojtjen e mjedisit, ndërsa disa kanë sektore në kuadër të drejtorive për planifikim apo zyrtarë përgjegjës për çështje mjedisore.

Metodologjia e ndjekur nga EC Ma Ndryshe për përpilimin e këtij raporti merr në konsideratë 12 ligje që adresojnë aspekte të ndryshme të mbrojtjes së mjedisit, si:

- Ligji nr.03/L-025 për mbrojtjen e mjedisit
- Ligji nr.03/L-233 për mbrojtjen e natyrës
- Ligji nr.03/L-160 për mbrojtjen e ajrit nga ndotja
- Ligji nr.2003\_3 për pyjet e Kosovës
- Ligji nr.04/L-147 për ujërat e Kosovës
- Ligji nr.04/L-060 për mbeturina
- Ligji nr.06/L-035 për veprimtaritë hidrometeorologjike
- Ligji nr.03/L-119 për produktet biocide dhe shtojcat
- Ligji nr.02/L-53 për gjuetinë
- Ligji nr.04/L-197 për kimikate
- Ligji nr.04/L-174 për planifikimin hapësinor
- Ligji nr.04/L-175 për inspektoratin e mjedisit, ujërave, natyrës, planifikimit hapësinor dhe ndërtimit.

Mbi këtë bazë përmbajtja e këtij raporti tenton që të mbulojë aspektet kryesore që legjislacioni në fuqi adreson, si:

- Skema institucionale për planifikimin dhe menaxhimin mjedisor
- Korniza ligjore
- Hartimi, harmonizimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit
- Mbikëqyrja inspektive dhe raportimi mjedisor
- Krijimi, grumbullimi, menaxhimi i të dhënave dhe sistemit të menaxhimit të dhënave
- Bashkëpunimi, koordinimi dhe pjesëmarrja publike
- Licencimi dhe lejet mjedisore

Gjetjet e këtij raporti në kapituj të caktuar kanë identifikuar mangësitë aktuale në sektorin e mjedisit, që kërkojnë vëmendje më të shtuar nga autoritetet komunale, me qëllim të përmirësimit të procesit të planifikimit dhe menaxhimit mjedisor. Gjithashtu ato janë validuar nga zyrtarët përkatës komunal, si pasqyrim i gjendjes reale në sektorin e mjedisit.

Njëherësh kanë theksuar se burimet njerëzore dhe financiare nuk janë në nivel të mjaftueshëm, gjë që mbase reflektohet edhe në gjendjen aktuale mjedisore. Në fund janë adresuar edhe disa rekomandime me qëllim të përmirësimeve dhe plotësimeve në proceset e Planifikimit dhe Menaxhimit Mjedisor, drejt arritjes së rezultateve më të qëndrueshme në sektorin e mjedisit dhe mbrojtjen e resurseve natyrore.

## GJETJET E RAPORTIT

### Skema institucionale për planifikimin dhe menaxhimin mjedisor

Në Komunën e Rahovecit organi përgjegjës për planifikim dhe menaxhim mjedisor është Drejtoria për Urbanizëm, Planifikim dhe Mbrojtje të Mjedisit. Staf i DUPMM-së, përbëhet prej gjithsejtë 4 punonjësve, prej të cilëve 1 zyrtarë është e angazhuar si zyrtar për Mbrojtjen e Mjedisit.

| Organi komunal | A është themeluar? | Emri zyrtar   | Fuqia aktuale punëtore |
|----------------|--------------------|---|------------------------|
| Drejtoria      |                    | Drejtoria e Urbanizmit dhe Planifikimit dhe Mbrojtjes së Mjedisit | 4                      |
| Spektori       |                    | /   | /                      |
| Zyrtarët       |                    | Zyrtarë mjedisor  | 1                      |
| Drejtoria      |                    | Drejtoria e Inspektoriateve                                       | /                      |
| Spektori       |                    | Inspektori Komunal për çështje mjedisore                          | /                      |

Sipas zyrtarëve numri i angazhuar i shërbyesve civil është i mjaftueshëm për kryerjen e detyrave të përcaktuara me kornizën ligjore. Sipas tyre shërbyesit civil nuk i kanë profilet e nevojshme profesionale për kryerjen e detyrave të përcaktuara me kornizën ligjore, respektivisht nivel mesatar.

Zyrtarët komunalë kanë bërë të ditur se për punonjësit e këtij sektori nuk janë organizuar trajnime rreth kornizës ligjore, as nga niveli qendror, e as nga komuna apo ndonjë organizatë tjetër. Ndërsa janë organizuar trajnime me disa indikatorë mjedisor për stafin, kryesisht nga organizatat e shoqërisë civile dhe donatorët, dhe atë kryesisht për planifikim, ngritje kapacitetesh dhe menaxhim të mbeturinave. Stafi gjatë kryerjes së detyrave kryesisht është fokusuar në legjislacionin në fuqi dhe dokumentet strategjike, dhe UA për leje mjedisore komunale 01/2017.

### Statistikat Kryesore - 2024:

| Kategoritë  | Numri |
|---|-------|
| Numri i zyrtarëve të angazhuar në SM/DUPMM                  | 1     |
| Trajnimet rreth kornizës ligjore                            | 0     |
| Trajnimet sipas fushës mjedisore                            | 0     |
| Udhëzues Profesional për Planifikimin dhe Menaxhimin Mjedor | 4     |

### Korniza ligjore

Metodologjia e EC-it, merr në konsideratë 12 ligje që adresojnë aspekte të ndryshme të mbrojtjes së mjedisit, të cekura më lartë.

Komuna e Rahovecit nuk ka listuar se në cilat dokumente ligjore mbështet veprimtarinë në aspektin mjedor.

Zyrtarët e Komunës së Rahovecit kanë shprehur bindjen se korniza ligjore mjedisore është e konsoliduar pjesërisht, ku sipas tyre ka mungesë kompetencash e buxheti, si dhe përkrahje të ulët nga ministritë përkatëse.

Ndërsa njohuritë e stafit të këtij sektori rreth kornizës respektive ligjore i kanë notuar me 4, nga shkalla 1/aspak deri 5/shkëlqyeshëm.

## **GJETJET E RAPORTIT**

### **Skema institucionale për planifikimin dhe menaxhimin mjedisor**

Në Komunën e Rahovecit organi përgjegjës për planifikim dhe menaxhim mjedisor është Drejtoria për Urbanizëm, Planifikim dhe Mbrojtje të Mjedisit. Stafi i DUPMM-së, përbëhet prej gjithsejtë 4 punonjësve, prej të cilëve 1 zyrtarë është e angazhuar si zyrtar për Mbrojtjen e Mjedisit.

1. Plani Lokal i Veprimit në Mjedis 2019-2024
2. Plani Lokal i Veprimit për Mbeturina 2022-2027
3. Plani i Mobilitetit Urban 2022-2027
4. Plani Lokal i Biodiversitetit 2024-2029
5. Plani Lokal i Cilësisë së Ajrit 2024-2029

Sipas zyrtarëve aty janë paraqitur prioritetet mjedisore dhe lista e veprimeve për zgjidhjen e tyre, me synimin për të mbështetur zgjidhjen e problemeve mjedisore në nivel lokal.

Sipas zyrtarëve të Komunës së Rahovecit strategjitë mjedisore lokale nuk janë harmonizuar me ato qendrore, derisa planifikohen e realizohen edhe projekte për rregullimin, promovimin apo mbrojtjen e mjedisit, sikurse eliminimi i deponive ilegale, rregullimi i hapësirave të gjelbra, rregullimi i parqeve, etj.

Komuna e Rahovecit ka raportuar se në kuadër të projektit për efikasitetin e energjisë, një numër i caktuar shkollash kanë përfituar nga ky projekt, ku janë realizuar përmirësime të infrastrukturës energjetike për të rritur efikasitetin e përdorimit të energjisë.

Sa i përket masave për mbrojtjen e mjedisit është theksuar se parandalimi realizohet përmes inspektorit mjedisor.

### **Mbikëqyrja inspektive dhe raportimi mjedisor**

Komuna e Rahovecit ka 1 inspektor mjedisor që vepron në kuadër të Drejtorisë së Inspektorateve, dhe është vlerësuar se ky numër është i pamjaftueshëm për kryerjen e detyrave të përcaktuara me kornizën ligjore.



Sipas zyrtarëve komunal inspektimi i zbatimit të kornizës ligjore të mbrojtjes së mjedisit bëhet në baza të rregullta, dhe nga Inspektori i Mjedisit, hartohen raporte ditore, javore, mujore dhe vjetore për zbatimin e kornizës ligjore si dhe ndërmarrjen e të gjitha aktiviteteve nga ana e inspektorit në funksion të mbrojtjes dhe ruajtjes së mjedisit.

Gjendja e deponive të mbeturinave monitorohet në mënyrë sistematike, derisa nga inspektori i mjedisit bëhet edhe monitorimi i zonave të mbrojtura në territorin e Komunës së Rahovecit.

Monitorimin e gjendjes së pyjeve e bën Agjencioni Pyjor i Kosovës, meqë nuk është në kompetencën e inspektorit komunal të mjedisit.

Zyrtarët komunalë kanë theksuar se janë identifikuar çrregullime mjedisore, ku nivelet e materieve ndotëse kanë tejkaluar normat e përcaktuara me ligj. Për çdo rast të identifikuar, janë ndërmarrë masa ndëshkuese në përputhje me legjislacionin në fuqi. Këto çrregullime përfshijnë ndotjen e ambientit si pasojë e hedhjes së mbeturinave në mënyrë të pakontrolluar, krijimin e deponive ilegale, etj. Sipas raportimit të Drejtorisë së Inspektoratit (DI), gjatë vitit 2024 janë kryer gjithsej 93 inspektime mjedisore, dhe janë shqiptuar 52 gjoba mandatore për shkelje të legjislacionit të mbrojtjes së mjedisit.

Po ashtu, DI ka inspektuar 30 biznese me aktivitete të dëmshme për mjedisin, duke kërkuar pajisjen e tyre me leje mjedisore dhe sigurimin e përputhshmërisë me rregulloret për mbrojtjen e natyrës. Si rezultat, 24 biznese kanë aplikuar për leje, 21 janë pajisur, 3 janë refuzuar, ndërsa 6 janë gjobitur për mungesë të lejes mjedisore komunale.

Monitorimi i eksploatimit të resurseve natyrore mbi kushtet e lejuara është në kompetencën e KPMM si dhe MMPH, derisa monitorimin e shkeljeve në menaxhimin e burimeve drusore, jo drusore dhe faunës së egër e bën Agjencioni Pyjor i Kosovës. Identifikimi i tejkallimeve të kushteve të vendgjuesive bëhet nga Inspektorati i Gjuetisë në kuadër të MMPH.

### **Krijimi, grumbullimi, menaxhimi i të dhënave dhe sistemit të menaxhimit të dhënave**

Komuna e Rahovecit ka njoftuar se nuk ka sistem të monitorimit të cilësisë së ajrit, ndërkohë që nuk ka sistem të monitorimit të dheut dhe të ujërave sipërfaqësore dhe nëntokësore.

Ndërsa parashikimi dhe paralajmërimi i hershëm i vërshimeve dhe thatësirave, sipas zyrtarëve komunalë bëhet nga niveli qendror respektivisht AME. Komuna nuk ka ndërtuar sistem të menaxhimit të të dhënave mjedisore. Sipas zyrtarëve komunalë, organet komunale kanë kapacitete të teknike e njerëzore për krijimin, grumbullimin dhe menaxhimin e të dhënave mjedisore.

### **Bashkëpunimi, koordinimi dhe pjesëmarrja publike**

Zyrtarët përgjegjës të Komunës së Rahovecit bashkëpunimin dhe koordinimin me nivelin qendror në hartimin e akteve ligjore dhe nënligjore e kanë vlerësuar si mesatar, derisa bashkëpunimin e koordinimin për hartimin e strategjive mjedisore e kanë vlerësuar si aspak të kënaqshme. Në nivel aspak të kënaqshëm është vlerësuar edhe bashkëpunimi dhe koordinimi me shoqërinë civile sa i përket hartimit të strategjive mjedisore. Komuna e Rahovecit ka njoftuar se gjatë hartimit të dokumenteve të planifikimit dhe menaxhimit mjedisor proceset janë zhvilluar me pjesëmarrje publike, konform procedurave që i parasheh legjislacioni në fuqi.

### **Licencimi dhe lejet mjedisore**

Sipas të dhënave të paraqitura nga Komuna e Rahovecit në vitin 2024 janë lëshuar gjithsejtë 25 leje mjedisore komunale.

| Janar - Dhjetor 2024 |              |              |              |             |
|----------------------|--------------|--------------|--------------|-------------|
|                      | Numri total  | Të aprovuara | Të aprovuara | Në shqyrtim |
| Leje Mjedisore       | 28           | 25           | 3            |             |
| Totali i të hyrave   | 2842.54 euro |              |              |             |

## PËRFUNDIME

Gjetjet e këtij raporti janë validuar nga zyrtarët përkatës komunalë, duke pohuar se ato pasqyrojnë gjendjen reale në sektorin e mjedisit, bashkë me mundësitë për të ngritur dhe përmirësuar çështjet mjedisore në këtë komunë. Mungesa e sektorit për mjedis së bashku me burimet njerëzore dhe financiare që sipas tyre nuk janë të nivel e mjaftueshëm, po reflektohet edhe në gjendjen aktuale mjedisore.

Komuna e Rahovecit nuk ka një organ përgjegjës për mbrojtjen e mjedisit dhe kapacitetet njerëzore brenda këtij organi janë të pamjaftueshme duke shtuar se në periudhën raportuese nuk është organizuar asnjë trajnim rreth çështjeve mjedisore për stafin e DUPMM.

Zyrtarët e Komunës së Rahovecit kanë shprehur bindjen se korniza ligjore mjedisore është e konsoliduar pjesërisht, ku sipas tyre ka mungesë kompetencash e buxheti, si dhe përkrahje të ulët nga ministritë përkatëse.

Shkalla e hartimit dhe zbatimit të politikave lokale për planifikimin dhe menaxhimin mjedisor mbetet problematik, për faktin se nuk ka organizim të mirëfilltë në këtë aspekt; përkatësisht, rrjedha aktuale e hartimit dhe zbatimit të dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit aktualisht e bën të vështirë matjen e efikasitetit të këtyre veprimeve në përmirësimin e gjendjes mjedisore.

Komuna e Rahovecit ka një inspektor mjedisor, i cili është përgjegjës për monitorimin e zbatimit të legjislacionit mjedisor. Ky inspektor kryen inspektime të rregullta dhe harton raporte për aktivitetet mjedisore, duke përfshirë monitorimin e deponive dhe zonave të mbrojtura. Megjithatë, numri i inspektorëve është i pamjaftueshëm për të përmbushur të gjitha detyrat. Gjatë vitit 2024, janë realizuar 93 inspektime dhe janë shqiptuar 52 gjopa për shkelje të legjislacionit mjedisor. Po ashtu, janë inspektuar biznese për pajisje me leje mjedisore dhe përputhshmëri me rregulloret.

DUPMM në Komunën e Rahovecit nuk ka ndërtuar sistem të menaxhimit të të dhënave mjedisore, për shkak të mungesës së sektorit, mungesës së resurseve teknike dhe njerëzore për krijimin, grumbullimin dhe menaxhimin e të dhënave mjedisore.

Zyrtarët përgjegjës të Komunës së Rahovecit bashkëpunimin dhe koordinimin me nivelin qendror në hartimin e akteve ligjore dhe nënligjore e kanë vlerësuar si mesatar, derisa bashkëpunimin e koordinimin për hartimin e strategjive mjedisore e kanë vlerësuar si aspak të kënaqshme. Në nivel aspak të kënaqshëm është vlerësuar edhe bashkëpunimi dhe koordinimime shoqërinë civile sa i përket hartimit të strategjive mjedisore.

Sipas të dhënave të paraqitura nga Komuna e Rahovecit në vitin 2024 janë lëshuar gjithsejtë 25 leje mjedisore komunale.

## **REKOMANDIMET**

- Të shqyrtohen mundësitë për shtimin e punonjësve profesionistë në SMMM;
- Të organizohen trajnime për punonjësit e SMMM rreth kornizës ligjore dhe rreth çështjeve mjedisore;
- Të përmirësohet dhe dinamizohet hartimi dhe zbatimi i dokumenteve të planifikimit dhe menaxhimit të mjedisit, projekteve dhe masave për mbrojtjen e mjedisit;
- Planet e nivelit lokal për menaxhimin mjedisor të përditësohen, bashkë me fuqizimin e raportimit të zbatimit të tyre;
- Të rriten kapacitetet si dhe të shtohet mbikëqyrja inspektive dhe raportimi mjedisor;
- Të fillojë sa më shpejtë procesi i krijimit, grumbullimit, menaxhimit të të dhënave dhe sistemit të menaxhimit të dhënave mjedisore;
- Të avancohet bashkëpunimi nivel qendror - lokal në hartimin e akteve ligjore dhe strategjive mjedisore; dhe
- Të kultivohet bashkëpunimi më i afërt me OJQ-të për të nxitur rritjen e pjesëmarrjes së publikut në çështjet mjedisore;

## **Për EC:**

EC Ma Ndryshe është organizatë me bazë në komunitet, e themeluar në vitin 2006, që angazhohet për zhvillim të qëndrueshëm me qasje gjithëpërfshirëse.

Aktivizmi i EC-it synon një Kosovë ku qeverisja demokratike është pjesëmarrëse, transparente dhe llogaridhënëse, duke siguruar që institucionet, komunitetet dhe palët e interesit të punojnë së bashku drejt një zhvillimi të qëndrueshëm.

Ky vizion promovon vendimmarrjen gjithëpërfshirëse, politika më të fuqishme dhe përfshirje më të madhe të publikut, duke siguruar që qëndrueshmëria të jetë pjesë përbërëse e qeverisjes si në nivel lokal, ashtu edhe në atë kombëtar.

Përmes koordinimit më të mirë institucional, hartimit të politikave të bazuara në dëshmi dhe angazhimit qytetar, angazhimi i EC-së synon të kapërcejë hendekun mes komuniteteve dhe institucioneve, duke siguruar që qeverisja e mirë të sjellë ndryshime të prekshme dhe afatgjata.

### **Deklarata e vizionit**

“Fuqizimi i një Kosove elastike dhe gjithëpërfshirëse, ku komunitetet në mënyrë aktive formojnë institucione të qëndrueshme, të digjitalizuara dhe të ndërgjegjshme”.

### **Deklarata e misionit**

“EC Ma Ndryshe përkrah qeverisjen demokratike dhe zhvillimin e qëndrueshëm në Kosovë duke nxitur zhvillimin e qëndrueshëm socio-ekonomik, kulturor dhe të gjelbër përmes edukimit digjital, kujdestarisë mjedisore, mobilizimit të komuniteteve, avokimit për vendimmarrje publike me pjesëmarrje dhe kultivimit të partneriteteve strategjike”.